

壬午勅山東左叅政王聰按察僉事王琬濬沙灣運河

甲申南京雷雨擊損大恩報寺塔少保于謙以災異引咎且

請南京錄囚緩度僧 上從之惟度僧如故

通事指揮李鐸先下獄至是降延平衛副千戶

乙酉南京右都御史陳勉大理寺右寺丞薛瑄致仕

丙戌署都督僉事李榮為甘州叅將

募湖廣四川雲南郡縣吏及軍民能致米百石者湖廣運鎮

遠四川播州雲南運普安各納冠帶

七先遣使貢馬

戊子命兩京錄囚

夜土星犯太微垣上相星

庚寅勅戒南京文武百官

夜土星退入太微垣左掖門

辛卯勅刑部左侍郎羅綺往雲南四川督運軍儲

欽天監正皇甫仲和以星變乞脩省從之命府部院議寬恤

條例

起復廣東右布政戴弁

壬辰琉球國入貢

國權

景泰二年

七

癸巳寧夏總兵官都督同知張泰都指揮使熊震以二千人
至板井值下數十騎不散擊縱掠而去

翰林編脩呂原為侍講

命畿內山東鎮撫都御史擇有司專勸農務

賑廣平大名饑

乙未出五千金給宣府大同屯卒具牛種

增廣西布政司官二員同按察司官整理邊務


痊都門暴斃

丁酉宣府總兵官撫寧伯朱謙卒謙夏邑人永樂初龍衣留守

左衛指揮僉事累征迤北有功進萬全都指揮使充右叅將
鎮守萬全累功歷後府左都督奉勅充總兵鎮守宣府 上
皇北狩率子永出謁犒軍勞下 景泰初捕下龍門關中律封
伯祿千一百二十石在邊久勇而少謀追封撫寧侯賜祭葬
戶部議寬恤七事其言在京象馬牛房例河南山東畿內供
給今京省兵飢乞歲四月放馬草場至九月支料 上不聽
餘如議

戊戌復廬彰宣化縣知縣

三月庚子朔策貢士吳滙二百人于奉天門賜柯潛劉昇王慎



事進士及第出身有差

辛丑軍府左叅將右都督紀廣為鎮朔將軍副總兵都指揮使楊能為都督僉事左叅將鎮守宣府

許鎮守浙江兵部左侍郎孫原貞守制

壬寅前鎮桂林知府衡岳卒岳西平人洪武末由監生任潮州同知秩滿遷守西安十年言事忤旨成交趾 仁宗初起

南城令歷南豐遷桂林歷官三十餘年貧不自存年八十四

何喬新曰廉吏之不聞于世久矣碩鼠之刺城烏之謠在古且然况後世乎所謂貪者固不足道其矯而為廉者世

垢衣敝履以欺人而後房姬媵極珠翠之麗亦豈真廉者

哉若公者乃真廉吏也

癸卯免五台縣去年農桑絲絹

乙巳禮部以瓦刺請報使當姑徇其意 上不許


丙午太僕寺卿吳敬致仕

增河南巡河按察僉事

戶科給事中林聰等劾外戚左都督汪泉縱蒼頭占武清田

六十餘頃擅權商貨 上不問聰等固請下蒼頭錦衣獄

乙酉太子太保戶部尚書金濂請答 使否且生衅其何靳



一介行李踐，廷稍慰其望不聽。

壬子封季堞崇陽王奠瑋瑞昌王奠壘樂安王奠堵石城王
奠壘弋陽王

瓦刺使回勅也先曰蘇克帖木兒等至其悉和好所欲遣使
朕再四思之前細人取怨于太師今怨前弊不復遣所索把
哈字羅侯貴州回付之我國人在太師處亦宜遣還副其父
母妻子之望

癸丑廣州人奏故巡撫右僉都御史楊信民公平不威興利
除害有甚飢渴効貪見噬被逮京師軍民徭獠詣留萬計朝

命還鎮除捕逆黨賊脅徒避廢昆喙來歸烏董乍中人民禱

策狂走沒而巷哭過則予奠今已易期哀慕不已請立祠

從之

乙卯進士吳滙周興戚瀾張永昌晟王獻劉瑄俞欽相傑楊

守陳童緣張業樊冕孔滋張瑄金文鍾文清田斌章表楊

林


景彭言劉泰江朝宗周清俱選翰林院庶吉士

刑部右侍郎薛希璉為尚書

南京左通政畢昌免

蠲順天保定歲辦蘆葦秫稻等物

丙免去濟南去年小麥絲綿



丁巳浙江都轉鹽運使吳方大貪敗削籍累瀆辨戍邊

夜大星青白光燭地自軫宿流天廟二小星隨之

戊午雲南按察副使王亮改山西鄭顛叅贊都督同知軍務

癸亥盜發梁王妃墓命遷葬

下第貢士及監生願就教者試而授之

甲子召左都御史沈固及右僉都御史任寧還京

河南左布政使年富為左副都御史叅謀大同軍務

起復山東按察副使王亮改山西此條在河南左布政之上

設遷曰沈仲威佐大同掾貸拯敗邊圍以壯而郭定襄劾

收糧奸肆請改任年大有帷幄重臣單辭易置捷于友堂

不啻轉圓當時之邊將取信如此太常不為奪臺省不敢

沮委重閫外真腹心干城之寄也仲威雖長才綜覈踈寬

大有繼之痛草裁寵冒功盜儲一無所容群小多怨政寬

則民慢政猛則民殘子產之言信矣此段有誤

夜大星赤光自井宿流雲中


四月己巳朔免肅州衛屯租

辛未巡按直隸監察御史鄭韶劾鎮守懷來內官陳海以鉄

劍易夷馬命械海至京訊之

國權 景泰二年

十一



禁各鎮守軍職受訟

甲戌右副都御史軒輓總督南京糧儲兵部左侍郎孫原貞
鎮守浙江

丙子左都御史陳鎰鎮守陝西召左副都御史劉廣衡還京
時陝西飢廣衡失賑

丁丑起復處州知府石瑁

己卯 訓導齊詔為河南道御史

奉御單增下錦衣獄增恃寵居從擬于王公朝士或拂其意
輒辱詈之占田奪稅科道交劾

夜月色如赭

庚辰免武岡州新寧縣荒租

西北黑氣如烟摩地而生

辛巳兵科都給事中葉盛等言勲戚侵利多占官店塌房乞
勘實按季收鈔以資軍餉從之

壬午監察御史韓雍署兵部郎中項忠俱為廣東按察副使
始權江西湖口湖廣金沙洲舡鈔


再賑大同饑饉

癸未定易州援紫荊關真定保定援倒馬關居庸關白羊口

國權

景泰二年

十一



京師援天壽山黃花鎮又都指揮以三千騎總脩游擊將軍
石彪則援鴈門關俱從兵部分署

司禮監內使高顯強奪入室下獄錮之
夜月犯心痛

乙酉貴州賊韋同烈平賊退據香爐山山在平越清平間險
甚于是右都督方瑛出龍場都督陳友出萬潮山都督毛福
壽出重安江右都御史王來保定伯梁瑒繼進斬三千四百
八十級擒五百餘人下二百餘寨環兵攻香爐山賊懼縛同
烈降械同烈入京

郭子章曰予讀王慈谿公平蠻思信紀謂石可泐思信不
可泐詞亦嚴矣乃德靖間後狡馬蜂起屠城殺官仍穴香
爐山慘毒尤酷所謂思信者安在夷性險詐當事者防其
漸可也


丁亥右僉都御史任寧降廣西按察副使

夜月犯木星

乙丑廣西蠻攻賓州勅廣東左副總兵右都督董興等援之

庚寅蠲武昌歲辦杉木皮藥等物

壬辰襄王瞻塏乞御註洪範大全等書予之古琴闕



甲午卜百餘騎犯馬營楚東門命游擊將軍石彪雷通分兵三千馳勦

監生賓繼學為吏部主事

乙未武清侯石亨為總兵官都督孫鏜范廣為左右副總兵過興張義為左右叅將選京兵六萬團操

工部尚書石璞總督宣府軍務

丁酉封音載靈邱王任陞西河王

勅都督僉事孫安以兵二千駐龍門與都督董斌分哨

五月戊戌朔建州右衛都指揮僉事佟大你為都指揮使時李

滿住避瓦刺遠遁獨佟大你等入貢

乙亥夜大星青白光自天津流至濁

庚子建安知縣胡欽為延平知府

太白晝見

辛丑賑解州飢

癸卯澤州貢士侯爵言父璉功命爵世秩錦衣衛千戶

七先求婚于赤斤蒙古衛都督阿速阿速以聞命嚴邊備仍


赤斤

乙巳脩固原州廢城調西安等衛兵戍之

國權

景泰二年

十四



丙午大星青白光燭地自天軒轅流游氣五小星隨之

丁未太子太保吏部尚書王直等言北下又乞遣使人情求不得則慚再不得則憤而爭今下請再矣其若之何 上曰正統間使通下凡危宗社朕方思絕下卿等第謀所以富強雪耻稱朕意焉

瓦剌脫下不花王歸我前使海西高能等七人厚賞其使

庚戌立上林苑監于玉河橋西

辛亥止今歲各巡撫官赴京議事

太子太保戶部尚書金濂言下請遣使拒之且生衅昔漢高

帝以三十萬衆困于平城可鑒 上曰使毋往朕志定矣平

城事非所宜言


金星晝見

壬子行人司右司副陳銳為吏部稽稽司郎中

金星辰巳午刻凡三見

癸丑左都督汪泉占田萬六千三百三十餘頃俱給主

太子太保禮部尚書胡濙言續出瓦剌番文一道詳其語意專在求使臣謂下情雖狡未保其終然始則奉送 上皇今又還我制使使人絡繹駢馬迭貢歸誠悔過亦不可誣夫厚



往薄來柔遠常經彼使再來此不一報似非其義往年土木
之事雖臣子痛心切齒 皇上臥薪嘗胆之日然邊無儲蓄
之素野有奔亡之憂將帥趨生士卒忘死近者邊報稱急曾
無一人敢言戰伐甚至張皇失措安邦大計諒不如是伏望
皇上深維曲慮量遣往和乃勅武臣脩治軍實庶彼無可執
之詞我有自為之計 上曰卿言良是朕志已定矣

增宣府驍兵月餉

甲寅昌平侯楊洪為鎮朔大將軍總兵官從子都督僉事能
為都督同知左叅將俱鎮守宣府都指揮使信為都督僉事


右叅將提督懷來永寧等處守備

戊午昌平侯楊洪製連環萬弩牌

己未命山西布按二司各遣官遞赴宣大收糧

庚申賜脫不花王書曰朕自 祖宗以來四裔來朝並加

恩待殊不遣使至彼以此和好久保全比歲可汗太師累
使朝貢朝廷嘉厥款誠頻使還答小人言語短長傷和好兩
國人民咸罹災害此亦朕與可汗所共知也以天下之靈要
約如故朕與可汗可以思所以保終之使至業厚宴勞所賜
可汗若可汗妃有金銀及金銀器皿織金蟒服文綺等物即



付領去自今但可汗使來朕終始善視決不食言

設邊曰瓦刺受款請使彌堅諸大臣咸欲許之 景帝力

絕馬下情至點我備未脩稍怵于盈庭之議則李鐸輩又

割挈馬鬼而北走矣賴 帝確持不因變沮真英主哉自

是之後漠北無皇華之跡朔南僅象胥之通于此益明漢

大矣

壬戌守備倒馬關署都督僉事劉聚賄縱軍士被訊遠詣闕

自理下獄又南北貪懦責從楊洪自効

癸亥命各布政司畿郡造軍器輸京師

鎮守臨清右副都御史孫曰良還京致仕

鎮守福建太監廖秀貪暴杖傷侯官知縣單宇巡按御史許

士達劾之械入京下獄釋之

甲子中軍右都督楊俊改前府 十七日入京留信

署都督僉事李信協同都督張真鎮守浙江

巡撫直隸工部尚書周忱被劾召還


丁卯定雷站中益例

傳南京各衛去年屯租

六月戊辰朔日當食不食

國權 景泰二年

七




戶部右侍郎江淵言建州朵顏野人女直海西等衛皆我
東藩籬赤斤蒙古沙州等衛則迤西藩籬宜遣使厚賞金帛
俾去逆效順則也先疑忌自不窺邊京衛餘丁盡括差操無
一人以濟家業可乎宜行釋放王振誅後傾詐之徒陷人輒
指為振黨致累亡辜乞勅法司大赦後訐黨者不問 上悉
從之已兵部言新建選舍人止千七百九十餘人仍留訓練
上是之

勅巡撫山東河南右副都御史洪英右副都御史王暹脩治
臨清徐州決隄通漕

安南入貢 免武岡州課鈔

命內官監作偏廂車千輛 夜金星犯畢宿

已巳左都御史沈固致仕 應天府尹李敏為戶部右侍郎巡撫江西代周忱勅其忱法
果便于官民毋輕易但痛革作奸者忱有心計斃利權二十
二年因事補救嘗上計道徵膠若干請液內府敗革俟新輸
之正統末責明光鎧甲甚急忱浮以錫立辦其機應類此忱



去後吳中歲潦飢民垂死猶曰安得周使君生我乎初忱所積餘米一切供辦資焉故官裕而民不擾至戶部籍羨為額由是徵需雜出民不堪命
大同右叅將都督同知許貴奏右少監韋力轉銜軍妻不與宿杖其軍死又私養子妻射死養子又蒼頭數人冒功得指揮千百戶鎮撫命按之
庚午吏部郎中李賢言火鎗戰車備邊莫善于此兵部覆其便從之
辛未浙江布政司副理問劉鏞為台州知府

代州故交趾布政使戈謙薦前成山侯王通龍門衛致仕指揮寧懋真定同知阮遷干知兵慣戰上不聽通仍鎮守山陵寧懋阮遷干令從石亨圍營

壬申召商中益大同右衛


免肅州衛去年屯糧

癸酉昏刺南京天鳴

乙亥給貴州衛所襲職道餉

中書舍人江陰徐願父事王振得官恣橫至是下獄削籍

先是遣戶部主事黃琮監察御史李鑑追徵巡撫周忱侵糧



數十萬忱還京言臣初至官詢吳中積逋之由知大戶不肯
納賦而小民獨受加耗之弊為之均勻視帖蘆席稻草之費
悉令自納積米漸多蘆席稻草並易錢入官以足上供軍需
百凡脩治興作見為妄費亦由 宣宗皇帝許臣便宜行事
臣之所費者餘米也不敢侵正賦事遂不問
仍成廣東兵二千五百人于廣西

青州故齊王廢邸災

戊寅山東布政司右叅議馬諒為應天府尹

己卯起復鳳翔通判葛文名為西安知府

詔貴州各衛脩舉屯田

庚辰免陝西夏稅屯糧十分之三

辛巳召提督宣府軍務工部尚書石璞還京令巡撫左侍郎

劉璉叅贊軍務


甲申遷工部右侍郎張敏左通政樂憚侍讀學士劉鉉分祭

東岳濟瀆金龍口黃河之神

兵科都給事中葉盛言弭災防患八事曰戶部于畿內山西

徵役遵詔停止減省冗費曰分守邊關量賞銀布曰京衛軍

匠于監局造軍器戰車外餘送操練曰法司議條例分行南



京各省清獄日京南捕盜日乞旌陣亡浙江都指揮脫綱按
察僉事王晟等仍徧訪死節贈卹日謫官如寺丞羅綺知州
傅林等查例復官日酌減脅從之盜或遠配或戍邊庶不枉
濫上以賞軍金帛有限監局工作人少餘悉從之

戊子詔安南以上皇還京

辛卯夜月犯昴宿

壬辰夜大星赤光自天厨流文昌

丙申趣總兵官都督僉事徐恭及右僉都御史王竑並漕

夜大小流星凡八十有五

八月丁酉朔彭城伯張瑾縱蒼頭于河南西平等衛立庄田詔

宥瑾成蒼頭邊衛

戊戌禮科給事中喬毅行人童守宏諭祭琉球國王尚思

達封其叔尚金福為中山王

賑宣府及蔚州饑

夜大星青白光流丈餘

乙亥蠲湖廣永明淑浦縣稅鈔桑絹


榜浙江福建遺賊限三月入官自首免

徵畿內河南山東山西陝西歸田民兵九月赴京聽練

國權

景泰三年

三



庚子祭故浙江署都指揮僉事脫綱

癸卯授于冕府軍前衛副千戶以武清侯石亨薦之詔召見

尚書于謙言臣子宜嫌避不聽

丙午禁僧道外游

昏刺月犯心宿中星

丁未翰林院孔目馬昇加檢討

戊申時邊儲不足許納粟補官禮科都給事中金達等言名

器國之重事不可不惜上以權計容餉裕罷之

貴州普定永寧畢節等衛苗復叛掠勅總兵官梁瑤副總兵

方瑛會討時貴州大饑

左軍都督僉事過興為都督同知

辛亥蠲高郵儀真去年災租

壬子遣監察御史并戶部官分覈遼東永平陝西山西軍儲

癸丑夜京師地震

甲寅彭城伯張瑾使江西道南京私敗下獄奪歲俸

己未章邱知縣田疇調萊陽


命陝西按察司每冬遣司官二人協守平涼慶陽二衛

京師妖僧趙才興等伏誅

國權

景泰二年

三



庚申濬永嘉縣河


右副都御史王暹言洪武二十四年黃河改流開封北轉自鳳陽入淮曰大黃河支流分出徐州以南曰小黃河正統十三年河復故道自黑陽山趨沙灣入海止存小黃河而徐州岸高旋濬旋塞今請黑陽山東南徐州河臣同河南三司治之其臨清以南歸右副都御史洪英同山東三司報可軍論夜大星青白光燭地自天紀流貫索壬戌卜百十騎犯山海關官軍討卻之癸亥蠲大同夏稅十之七

禮部儀制郎中章綸上太平十六策躬攬乾綱緝興聖學面議大政為政得人肅正朝綱廣開言路敬畏天戒精慎選舉嚴明考覈守備邊境征討不庭禁止罪犯官吏養廉作成人才端本風化饋運救荒上是之

甲子減江寧上元句容田租之半
戶部右侍郎江淵薦大理寺丞薛瑄禮部右侍郎王一寧侍經筵瑄仍任

乙丑西安旱鳳陽淮安水俱損稼

吏部左侍郎何文淵為尚書右侍郎俞山為左侍郎兵部右



侍郎俞綱為左侍郎

八月丙寅朔賑如臯縣越雋衛饑

丁卯開封濟南東昌興化左屯廣寧鉄嶺三萬諸衛各大水
已已禁私鹽

賜緬甸軍民宣慰使陰文金符信牌

辛未朱永嗣撫寧伯 朱謙之子

歲祭唐南霽雲于貴州貴州按察使王憲言之奇氣於人
壬申廣東布政使揭稽為戶部左侍郎巡撫廣東蘇勳舉
南京地震夜大星青白光自天津流織女


甲戌雲南布政使右叅議甘敬賈表入京言滇人盜礦非臣
之所轄宜增按察僉事提督裁臣他用言上以玩盜下獄贖
還秩

乙亥監察御史姚福盜餉削籍

丙子進士劉洙唐瑜張海潘本愚童軒徐安行嚴誠鄭林劉
彝項倬黃暉楊學姚旭羅晟江昆劉觀為給事中

免太平府田租之半陝西夏稅十之四湖廣屯租十八萬八
千四百七十石

戊寅故司禮太監吳誠妾姚氏以誠沒土木乞招魂葬香山



從之賜祭

庚辰蔚州妖人吳伯通伏誅

辛巳復午朝

禁廣東浙江福建人私藏兵械

壬午總督貴州湖廣軍務右都御史王來蕙巡撫貴州林隆

工部尚書周忱致仕

夜大星二俱赤光燭地一自紫微西藩流陰德三小星隨之

一自天津流河南數小星隨之尾聲如雷

甲申禮戶科都給事中金達馬顯為長盧河東轉都鹽運使

遼庶人貴變詐子女之困獻詩悽惋詔賜其子女金幣羊豕

自選配

乙酉巡撫四川左僉都御史李匡叅贊雲南軍務左少卿鄭

顯各督運赴貴州


監察御史陳全楊貢印馬南北太僕寺馬騾駒四萬餘匹故

事遣勳戚至是真定教授鄭真言其弊改御史

丙戌各關命戶口食益踰期三月不赴場領者住支

申私藏天文星象之禁吏科給事中毛玉以趙才與吳伯通

輩不軌也



戊子曉刻老人星見

庚寅夜月犯鬼宿


壬辰翰林侍講陳文為雲南右布政使工部尚書兼翰林學士高穀薦文學科

設遷曰高文義薦陳侍講學行才識使擢居京堂或藩臬正負必能盡心所事噫今詞臣出外輒動春明之歎間值年例委之讒構而先朝以薦刻得之時事何啻霄徑哉
命都察院禁勲戚收用閹人及自宮者罪之
癸巳錦衣衛指揮使淵劉源致仕源九江人居官勤慎

刑部員外郎陳金言律例未便三事曰婦人真犯徒流笞杖罪槩的決似未則廉耻道喪宜依男子例減半贖之曰軍民私債例不追索則貧民無控宜聽其理取曰軍官敗倫傷化者革職不襲今奸徒多誣告宜依繼母并義父母告子孫例集隣右勘實從之

雲南總兵官沐璘奏緬甸宣慰使卜刺浪擒思机發思卜發不即獻置卜發于孟養蓋緬人以奇貨邀我乞少需之當自獻從之

乙未鎮守居庸關右僉都御史蕭啟乞奔父喪不允



九月丙申朔戶部尚書陳循言近日閣臣班列失次詔常朝內閣錦衣衛左右侍經筵日位尚書都御史上午朝翰林院先奏事

召商中益大同威遠衛及偏頭關

辦事吏何承海請復陝西寧夏縣鉄礦下獄釋之

戊戌免鎮江去年災租三萬八千八十餘石

前軍右都督張軌驕淫不法嘗私闖二僮被劾下獄釋之

遣內官李琮駙馬都尉焦敬徵廣通王徽煤以巡撫湖廣右

都御史李寶狀王不軌造印占居千戶所也

壬寅曉刻金星入太微星右掖門夜月犯南斗杓

癸卯逮貴州協參軍務按察副使李睿以所部指揮女為妾

索土官馬被劾

甲辰減濟寧徐州管河主事三之一


木星晝見夜月犯木星于牛宿

乙巳右僉都御史陳詔卒詔青田人宣德五年進士授御史

遷四川按察副使以僉都御史綏閩能弭盜諭祭

丙午房山諸生傅寧先臨卜來歸獻馬求入國子監從之

成申巡撫廣東戶部左侍郎揭稽改兵部仍巡撫食祿支從




二品

免揚州去年災租十二萬四千六十餘石

前刑部左侍郎丁鑑卒鑑字永時南陵人工書永樂中授行
在戶部主事歷吏部禮部從北征洪熙初進員外郎憂去起
戶部正統初進浙江鹽運使舉卓異秩滿進河南右布政景
泰初進刑侍勅罷賜祭葬

昌平侯楊洪卒洪六合人祖政漢川百戶洪嗣官調開平累
功都指揮正統初以都督守獨石敗宣府大石門寶昌州
捕阿台打刺花斬首二百級戍辰封伯祿千石充總兵鎮

宣府已已坐駕陷下獄出之擊都門涿州紫荆遂至固安
大捷捕阿歸等四十八人斬首四百八十邀還俘掠人萬
計馬牛弓刀數萬進侯賜世券久鎮宣府號令嚴肅善夜劫
營懾之頗好文立宣府儒學追封潁國公謚武襄賜祭葬
袁表曰已已之變內有于謙善謀石亨善戰外有楊洪郭
登善守是以京師危急而九服宴然良由大同宣府為之
扞蔽也也先雖善戰恐宣大之議其後將有腹背受敵之
患是以雖長驅深入而不能持久狼顧而去卒以無敗而
使洪登淺謀輕出失利宣大不守禍延京師土崩之勢孰



能禦之兵法曰攻者不足守者有餘是故將莫善乎持重
而師必出乎萬全反是鮮不敗矣恭順西去卒以無類而
壬子廣東道御史余儼為右僉都御史清黃甫類皆受類之
免大同今年田租而前巡撫湖廣大理寺卿蔡錫被徵不即至下獄夜月犯昴宿
乙卯吏科給事中毛王請令群臣終喪敦廉耻消奔競從之
戊午府軍前衛都指揮僉事孫繼宗私收闔者戍闔者廣西
宥繼宗

己未免石城平陽縣災租


庚申曉刺金火土星會軫宿

壬戌免宜興災田秋糧之半

十月丁卯清河知縣張璠言前知縣李信圭招撫流亡農課清
屯遷知蘄州邑人奏留遂以知州署縣遷守處州卒邑人立
祠求歲祀以違制毀其祠

己巳免彰德懷慶去年旱租懷慶五之彰德六之

辛未兵部右侍郎項文曜調吏部吏部文選司郎中李賢為
兵部右侍郎



都督僉事石彪為擊游將軍巡宣府懷來龍門赤城

紹興教授孫曰讓被薦陞禮部主事

罷御史給事中錦衣衛巡視京城諸寺專僧錄司約束

夜大星青白光自太微軒轅流太微東垣

壬申減南北巡河御史四之二罷淮揚捕盜御史

乙亥初巡按江西監察御史周鑑裁閣臣陳循之墓訟循摘

鑑諸不法多虛命御史王豪廉之多虛遂劾循誣罔循復疏

豪黨護下法司

丙子苗賊掠武岡靖州及通道等縣命總督右都御史王來

總兵官保定伯梁瑄討之

太醫院醫士張鐸言京商稅重如絲一至三百五十貫布

一亦三百五十貫他物皆然上是之下戶部更定價稅紓

絲每匹毋過七十五貫他物稱是


戊寅吏科左給事中程信上三事敬天謹災納諫上是之

命京省不得輕遣推官候聽訟

復南京兵部車駕主事

庚辰曉刻月犯昴宿

癸未夜月犯東井



甲申中書舍人何觀言吏部尚書王直禮部尚書胡濙等宿
猶宜斥又請安置下使于南陸以絕往來語多誕妄科道交
劾下錦衣獄謫湖廣九溪衛經歷


吏科給都事中毛玉等奏言觀誣陷大臣擅開邊衅宜罪觀
兵科都給事中葉盛請更所草玉曰上怒甚不可更盛堅為
請且曰王振馬順小人也劉球之死天下尚為口實况吾儕
乎因取筆抹其首尾數語玉竟不更奏入下觀錦衣獄

乙酉建州等衛女直都督李滿住董山等自正統己巳竊掠
左都御史王翱遣指揮王武經歷佟成招之至是稍歸俘掠

身入貢謝罪入命罪人輸粟赤城等堡下夜大星二一赤光自胄流天園一青白光自華蓋流天鈞
丙戌丸刺使臣皮兒馬黑麻等千六百五十三人來朝貢馬
三千三百六十二匹
命各學教官諸生俸廩俱全支
已丑免濟南去年夏稅


昏刺大星青白光自土司空西行

庚寅監生郭佑上言 太上蒙塵門庭有寇謀國大臣欲紓



急難令民納粟者賜冠帶今軍旅稍寧行之如故農工商販
不分賢愚惟財是授使之驕悍親戚欺誑鄉里又有賍污之
吏罷退為民欲掩鄉閭之耻納粟納草冠帶而歸何前日以
財去職今日以財得官堂下天下藏富于民未有不得已之
時而有此輕名爵濫章服之意是以空乏示敵益啟寇心願
裁止自今下大臣議寢不行
辛卯湖廣麻陽教諭章泰言三事曰願陛下孝孝百行之
本也曩上皇北狩陛下仰承 母后俯詢群臣以登大
位臣竊以天意人心與 祖宗所以責望 陛下者誠愈重

而愈難視昔從容繼統故自不同願 陛下師文王之敬止
朝問定省以承大內 兩宮之心曰願 陛下弟詩云允今
之人莫如兄弟惟 宣宗皇帝篤生胤嗣惟 上皇與 陛
下 陛下蒞藩之初 上皇留止京師豈不以手足情親不
忍違離冀得時晤日見今鑿輅復還 二聖重懽臣願 陛
下體昔 上皇友愛之心師古帝王因心之仁以父道尊事
上皇用子道教育儲聖百凡恩禮無替有隆曰願 陛下武
奮發威斷義理所在安信之不疑行之必毅中外曉然明知
意嚮依馮城社者不敢肆昔日陰竊之計奸嚙餌權勢者不



敢萌昔日蘿附之詭則彼無厭醜自有凜然虎豹之懼用以克戡大慙且無難者下部議謂今上已行不必瀆聽析沙縣之浮流立永安縣設沙縣永安尤溪龍岩四千戶所召巡撫淮揚刑部右刑郎耿九疇還京右僉都御史王竑總督漕運兼巡撫淮揚廬徐和宣府副總兵右都督紀廣為鎮朔將軍總兵官鎮守宣府塞野狐嶺另置閘新開口列臺通使從戶部右侍郎劉璉之言


十一月丙申曉刻火星犯氐宿

己亥昏刻月犯井宿

壬寅召游擊將軍都督僉事石彪旋師
豐城侯李賢卒賢嗣爵正統丁巳鎮大同庚申守備南京多廢事不能馭下

癸卯鎮守福建刑書部尚書薛希璉乞同右監丞戴細保考察各官吏部謂同內臣非制其如舊
鎮守密雲內官張溥都指揮同知趙致等燒荒燎及閩城人畜軍器民居勅責之

乙巳 上皇萬壽節禮部請群臣朝廷安門不許



設遷曰自 太上南轅雖饗帝子民之未及而誼隆同氣
佳辰令節 景帝能時屢候輦銜杯接席俾故舊大臣親
天顏而慰寂景即堯舜不啻也南宮之錮日惟塔苔庭月
之是問非角弓之怨何懟而至此其後貶削尊號或恒情
之必然矣

丙午四川筠連高珙以茶先改鈔至是巡撫左僉都御史李
匡從民便仍徵茶并及烏蒙軍民府入同與中書劄南京
召鎮守山西左副都御史羅通提督三千營訓練命鎮守應
門關右副都御史朱鑑兼領山西


大同右衛千戶石鐸改京衛 石亨之從子

戊申提督軍務左副都御史年富兼督大同屯田
夜月犯昴宿

巳酉夜大星赤光自五帝內座流太微東垣一小星隨之
庚戌定嘉湖田畝稅糧二斗絲綿三兩餘視其腴瘠增減時
丈田禁分戶

停明年市茶四川

壬子訛傳明年度僧道于是僧道赴京者數萬人兵科給事
中鄭林乞盡逐還從之



夜月犯鬼宿

乙卯減免遼東諸衛屯租有差

丁巳寧遠伯任禮守備南京兼領中府事

免寧夏中護衛去年屯租

初四川董卜韓胡宣慰司都指揮同知克羅俄監案欲自銅門山直抵保縣威州入貢鎮守左副都御史寇深不從曰計深淫縱命按之

逮後軍都督僉事王斌以守備延安侵餉等罪


壬戌內官李琮下獄琮徵廣通王徽燬道橫脅賂駙馬都尉

焦敬奏之琮亦許敬受賄命宥琮并敬不問

癸亥夜火星犯鈞鈴星

十二月丙寅免甘州等六衛屯租

廢廣通王徽燬陽宗王徽燬為庶人初舍人段友洪數以技術進徽燬言致仕後軍都事于利賓善相徽燬見之稱當主天下利今歲大悅之遂造轟王金寶靈武欽武封都傲寨苗楊文伯靈武侯天柱寨苗金龍欽武侯俱銀印改元玄元作勅書分勅友洪及蒙能陳添仔等賚印金幣誘苗起事又賜橫嶺峒苗吳英頭等銀牌約攻武岡文伯等不敢受友洪等



為鎮南王徽燦所執巡撫李實既上之徵徽燦而湖廣總兵
官梁瑤言陽宗王徽燦與通謀亦徵入方被徵時峒苗至為
官軍所擊敗廷訊並削封幽高墻左封與疑中元文亦
丁卯大理寺丞王恂為右春坊右庶子
己巳夜大星赤光燭地自近濁流五諸侯
庚午戶部郎中李秉為右僉都御史叅贊宣府軍務兼總督
十糧儲召劉璉還
勅鎮守松潘左侍郎羅綺以舊威州保縣通道內官陳涓已
奏其不可或有他徑爾其計之


辛未禮部右侍郎儲懋為南京戶部尚書南京工部右侍郎
王永壽為南京工部尚書南京左副都御史張純為南京右
都御史大理寺右寺丞薛瑄為南京大理寺卿調禮部尚書
楊寧刑部右侍郎姚夔于南京刑禮部

壬申免西安等屯租十四萬三千五百八十餘石
禮部乞通使瓦刺不許

甲戌夜大星青白光照地自天鈎流至濁三小星隨之

乙亥免尤溪沙縣逋租

貴州布政司左叅政胡拱辰以四川人輸布貴州折各衛官



軍俸糧道費乞明年徵銀從之

丙子禮部以瓦刺貢馬分三則給絹段使臣察占謂其薄不受上曰不足校即下下馬悉視下馬賞之心是誠之少保于謙辭總督軍務不允令羅通協贊總督

戊寅免江浦六合去年田租十之四減貴州歲造軍器之半夜月犯井宿

辛巳治居庸關南北餉道

壬午南京戶部尚書儲懋卒懋字世績江南丹陽人訓導擢吏科給事中正統初直經筵壯其語貌改翰林脩撰實錄成

進侍講尋拜戶部左侍郎主餉福建諭有司緩征勸閩右輸

助給軍景泰初調禮部母喪奪情長南京戶部遽卒賜祭葬


甲申左副都御史寇深回院

都督同知陶瑾為右都督署都督僉事李信為都督同知

乙酉禮部右侍郎王一寧為左侍郎翰林編修薩綺為禮部右侍郎

提督獨石等處都督孫安為都督同知

丙戌南京戶部左侍郎張鳳為尚書廣東按察副使韓雍為右僉都御史巡撫浙西



瓦剌使臣右都督皮兒馬黑麻為左都督都督僉事察占哈
只阿力俱為都督同知
召還鎮守陝西興安侯徐亨
兵部議選官軍十萬分五營團操每隊五十人兩隊置領隊
官千人把總官三五百人置把總都指揮
特弓馬知我火
器一發不即裝即馳突今陣外列鹿角待敵先火藥爆伏詐
之謂藥盡來攻則火銃砲飛槍火箭弓矢俱發又大將軍繼
之待敵勢動騎則長槍刀弩步則圓牌短刀此練武之略也
上從之

丁亥應城伯孫傑卒


戊子故浙江都指揮同知王瑛都指揮僉事沈麟崔源按察
司副使陶成僉事王晟布政使右叅議耿定各贈一級廕叙
有差

募商中監遼東鉄嶺衛納粟

庚寅禮部左侍郎王一寧國子監祭酒蕭鎡俱兼翰學士直

文淵閣

兵部左侍郎鄒幹調禮部兵部右侍郎李賢兼清理軍職貼
黃叅贊宣府軍務右僉都御史李秉兼督屯種初宣府被掠




牛盡命官市牛萬五千隻給軍民又給六鑲市穀種
戶部左侍郎劉璉致仕
辛卯楊傑嗣昌平侯楊洪之子

壬辰戶部尚書陳循為少保兼文淵閣大學士工部尚書高
穀為少保兼東閣大學士


瓦剌太師也先弒其主脫脫不花妻也先姊生子
也先欲立為太子不從也先亦疑其通中國遂治兵相攻脫
脫不花敗走依兀良哈也先盡收其妻子
馬晉允曰土木之變孽卜得志此不共天之仇也幸卜自

悔悛奉駕南旋而也先弒主既不能興問罪之師字來哈
刺自相仇殺又不能申天討之義堂中朝何以威示夷
狄乎大約縱逆息民之論與三楊議棄交趾相同假日不
使石亨別令郭登楊信輩將兵臨邊聲其弒奪之罪諭令
擇其首之賢者立為主責以納壘自贖使長為屬國不
亦仁昭而義著耶惜乎見不及此貽後世無窮之患也
設遷日夷狄篡弒自有恒習第可汗敗十人走兀良哈
直亡胡耳旦暮之人曾不能待遽殄滅之曰僭大號以犯
天下之大不韙是桃隣怒開部衅而自速其敗也彼兒






國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館 NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8
Centimetres 1 2 3 4 5 6 7 8

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]

TIFFEN Color Control Patches © The Tiffen Company, 2007



國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8
Centimetres 1 2 3 4 5 6 7 8

TIFFEN Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]



國權

景泰三年壬申

正月乙未朔 上皇在南宮

丙申太子太傅禮部尚書胡濙太子太保吏部尚書王直俱

進少傅

庚子翰林侍講學士劉鉉為國子祭酒



辛丑許勳臣祿米麥兼支初支米鈔 仁宗時兼米麥近仍

支米鈔

國權

景泰三年

國家圖書館, NATIONAL CENTRAL LIBRARY, TAIWAN, R.O.C.



罷納粟補官

蠲順德府災租萬九千三十餘石

壬寅貴州都指揮張任為叅將總督守備貴州

分福建備倭軍舡五哨烽火門小埕澳南日山浯嶼西門澳

總督邊務叅贊軍務右僉都御史李秉請汰軍士屯田近郭

從之

甲辰夜大星青白光自紫微垣流天鈎星

丙午 上南郊

蠲廣東屯租

丁未夜月犯鬼宿

戊申故都督呂毅子瑛先聘指揮使葛覃妹瑛調山海衛娶

千戶俞勝女其葛氏年踰二十字南京千戶劉昱子生女瑛

還爭之法司令歸瑛南京兵部尚書靖遠伯王驥請年久不

回聽改嫁從之

己酉都督僉事郭瑛署都指揮僉事崔福帶刀宿衛

庚戌 仁廟賢妃李氏薨


夜大星青白光自天鐫流游氣

壬子蠲廣平之租二萬二千四百五十石

國權

景泰三年

二



駙馬都尉石璟使湖廣販鹽下獄削籍

癸丑右都御史王文署鴻臚寺事左都御史楊善俱進太子

太保

夜大星青光自天紀流河鼓三小星隨之

甲寅軍官尅減糧賞者俱革職役官

丙辰報瓦剌脫不花曰前請答使已書報恐小人煩言結
怨亦瓦剌之大不便也自今使來朝貢者聽然亦須人少賞
賜乃得厚漢人在瓦剌者後使俱帶至重賞不吝時脫不
花與也先仇殺兵部尚書于謙武清侯石亨乞統京兵分往

宣大討之不許

廣東流賊陷石康縣

逮致仕戶部左侍郎劉璉時巡按監察御史鄭韶戶部郎中

汪濬劾其盜餉例戍上念其在邊久宥致仕

築海鹽縣石塘


戊午張寧嗣安鄉伯張安之弟

故浙江按察副使陶成贈布政司左叅政故僉事王晟贈左
叅議故叅議耿定贈副使縣丞張智許中和徐瑾贈副理問
誅致仕都司于利賓等

國權

景泰三年

三



己未萊州知府崔泰為廣東右布政使

辛酉紫荆關守備都督同知顧興祖小龍門守備署都指揮
僉事周晟受部曲賂俱下獄命左軍右都督陶瑾署都指揮
同知劉全代之

癸亥曉刺東南黑雲如人戴笠北楫

二月乙丑朔巡按直隸監察御史王朱驥下獄

丁卯作駝房于鄭村堤

戊辰暫停陝西四川巡茶行人

己巳募商中鹽獨石馬營

庚午浦城縣丞何俊為知縣

辛未戶部右侍郎江淵為吏部左侍郎國子祭酒蕭鎡為戶

部右侍郎

山東按察僉事姜永贊理山海等處軍務

進士高明寧戚馬文升周必兆洪弼夏頃白良輔李獻伍善

張璣俱為監察御史劉敷應欽為南京監察御史

壬申吏部左侍郎江淵以京師久雨雪請青災肆赦向詔蠲


景泰二年稅糧三分今又追徵上是之于是錄囚未減者

衆失信

國權

景泰三年

四




已外勅廣西副總兵都督僉事武毅提督軍務刑部右侍郎
李棠會廣東右副總兵都督董興兵千五百人勦梧州及茂
名大藤等賊

增山東布按二司官各一理餉遼東山西布按二司各一理
餉宣府

蠲海州元年災租二萬三千七百八十石
壬午瓦剌太師也先報可汗之報獻馬二匹先殺元裔兀盡
吞併諸部東至女直西至赤斤蒙古國七祭而肅
蠲漕輓軍民例輸蘆葦

癸未攷輟朝例禮部言諸司職掌公侯故輟朝三日都督至
都指揮故輟朝二日公侯外故輟一日櫛還京仍輟三日其
親王公主郡主薨輟朝俱特旨永樂間伊王薨輟十日素服
西角門永安公主薨輟四日命今後禮如永樂例
募民遠東運米一千石于開原海州運一千石于鉄嶺衛俱
賜冠帶
乙酉 上皇第五子見澍生淑妃高氏出

以宣府萬億庫雜物賑宣府
右副都御史劉廣衡錄囚南京



丙戌翰林院編脩楊昂為侍講

禁各王府內官內使舍人私出入

丁亥召四川右布政使張惠

戊子戶部尚書金濂下獄以違詔追徵景泰二年夏稅銀布

絲絹見學士江淵奏中被劾

前河南左布政使李昌祺卒昌祺江西廬陵人進士選庶吉

士預脩永樂大典稱博洽擢禮部主客郎中薦授廣西左布

政使德綏谿洞諸蠻尋誑悞謫役房山宥改河南會憂去起

復貧不能殮其詩文敏贍流麗時輩重之

湖廣貴州臻剖五岔等處苗叛命總督軍務右都御史王來

總兵官保定伯梁瑄會巡撫四川左僉都御史李匡等勦撫

庚寅命罪人于京倉運赴宣府

辛卯都督僉事李端為都督同知專使瓦剌

壬辰釋金濂獄

召提督遼東軍務左都御史王翱還京左副都御史寇深提

督軍務


江西宜黃縣大疫

癸巳夜有大星二皆青白光一自角宿流至斗杓一自明堂

國權

景泰三年

六



流軒轅

三月甲午朔許雲南文秩王流官納粟普定衛貶封

夜字星見畢

丙申中書舍人王采董璵劉文為吏部郎中采璵仍直內閣

湖廣署都指揮僉事畢通守備武岡州知庶人徽燂等反狀

不奏謫成開平

丁酉命大同今年糧芻納本處倉場

戊戌召鎮守四川行都司大理寺右少卿張固

兵科都給事中葉盛吏科左給事中程信為山東山西右叅

政分督邊儲

辛丑琉球入貢

中軍都督僉事范雄為都督同知

工部尚書金濂還戶部

定六科叙監察御史上

命親王自令節外毋飲諸守臣

甲辰命錦衣衛指揮指揮僉事畢旺偵事京師


乙巳起復兵部左侍郎俞綱

丙午戶部右侍郎孟鑑往山西備運大同

國權

景泰三年

七



壬子封公鏡宜川王

勅監察御史王允往廣東令都督董興提兵往廣西會都督

武毅征潯梧柳慶賊

乙卯新寧伯譚裕卒

丙辰召南京禮部尚書儀銘

戊午左副總兵都督毛福壽鎮守雲南金齒騰衝

己未右僉都御史韓福為左副都御史仍叅贊寧夏軍務

募納粟廣西授百戶縣佐等秩

庚申南京翰林侍講學士周叙卒叙字功叙江西吉水人永

樂戊戌進士選編脩寶錄成進脩撰歷侍讀南院侍講學士

請脩宋史未就再言事 上皆納之文章優贍所著唐詩類

編石谿居士集行世

辛酉彭時服闋補翰林院侍讀初時直閣喪母再乞終制始

允遂忤旨

雲南都指揮使方瑾卒瑾全椒人襲交州中衛指揮僉事調

六涼衛善料敵從征麓川多效謀云


壬戌召鎮守陝西左都御史陳鑑還京以刑部右侍郎耿九

疇鎮守陝西

國權

景泰三年

八



四月甲子朔 上有意廢東宮立其子見濟未敢發也太監王誠舒永請先賜諸大臣金于是賜少保戶部尚書陳循少保東閣大學士高穀各百金吏部左侍郎江淵禮部左侍郎王戶部左侍郎蕭鎡翰林院學士商輅等各賜五十金亦未敢發

乙丑戶科都給事中李侃等劾中軍都督僉事石彪蒼頭占慶都民田命覈還之仍通戒勲戚大臣

戶科給事中李錫言光祿寺錢料殊少乞停四月八日午節等宴賜 上以舊制不允

丁卯夜金星犯六諸王星

庚午南京工部左侍郎吳政致任

辛未 八狗河塞把總指揮楚鳳等擊斬十級擒五人

夜大星青白光自織女流雲中


壬申女直指揮高控勃禿等五人來歸改秩海州蓋州二衛

乙亥免山西太平縣逃租

丙子徙武原縣于古卷先是前河決臨縣

戊寅宿遷主簿應永富為知縣

發三十萬金糴餉于陝西宣府大同遼東



癸未免直隸興化縣旱災田租

甲申初廣西思明土知府黃瑄致任子鈞嗣職瑄庶兄都指揮瑄庶長也錄嫡而少錄怨鈞都指揮瑄以瑄庶兄守備潯州兵威甚振欲殺鈞并奪錄而襲之計授錄兵五千夜馳入府襲欲瑄支解鈞甕瘞之詐言盜入府明日錄入城舉哀請瑄捕盜瑄即發錄罪若為瑄伸理者巡撫刑部右侍郎李棠使叅政曾鞏副使劉仁宅往治瑄陰持金多遺鞏仁宅外挾兵勢相抗撓仁宅陽許之留鞏于潯與約去至南寧瑄二子迓仁宅伏甲縛之亦誘執瑄于潯以聞詔下廣西獄瑄懼遣

千戶袁洪叩闕上言

高皇帝龍飛淮甸定鼎開基所期聖

子神孫傳之七窮胡寇犯邊

太上輕屈萬乘被遮下廷扈

從群臣天下將士十喪八九逆下乘勝長驅迫京岩邑几殆

非列聖在天之靈預誕

聖躬繼登大寶天下臣民何所

歸向此皇天所以眷

陛下也

陛下即位已踰二年東宮


尚仍太上皇之舊豈念

太后太上有所不忍臣唯太子

天下本古人云天與不取反受其咎竊恐日月淹久論議安

生人心易搖爭奪興亂即欲循前代遜讓之美復全天叙之

倫勢有不可迓者土星逆行太微垣臣測天意殆有垂諭願




早與親大信臣密議易建以一中外之心絕覬覦之望上
大悅曰此宗社重事下廷議衆皆駭愕

勅南京總督機務靖遠伯王驥年踰八十其食祿就閒娛老
南京南京兵部尚書徐琦叅贊守備機務
夜火木二星犯危宿


乙酉議易儲禮部尚書胡濙侍郎薩琦鄒幹會群臣議衆知
不可莫敢言太監興安厲聲曰事不可已不可者無署名何
遲疑耶陳循等先受金口盡塞循坐左足而署諸臣繼之魏
國公徐承宗寧陽侯陳懋安遠侯柳溥武清侯石亨成安侯

郭晟定西侯蔣琬駙馬都尉薛桓襄城伯李瑾武進伯朱瑛
平鄉伯陳輔安鄉伯張寧都督孫鏜張軌劉深張通郭瑛劉
鑑張義錦衣衛指揮同知畢旺曹敬指揮僉事林福尚書王
直陳循高穀何文淵金濂于謙俞士悅左都御史王文楊善
王翹侍郎江淵俞山項文曜劉中敷沈翼蕭鑑王一寧李賢
周瑄趙榮張敏通政使李錫通政樂憚王復叅議馮質卿蕭
維禎許彬蔣守約齊整李賓少卿張固習嘉言李宗周蔚能
陳誠黃仕雋張翔齊政寺丞李茂李希安柴望鄺鏞楊詢王
濫翰林學士高輅都給事中李讚李侃李春蘇霖林聰張文



質各道御史王震朱英涂謙丁泰亨強宏劉瑒陸厚原傑嚴
樞沈義楊瑄左鼎皆言父有天下傳之子三代享國長久皆
用此道宜玠言詔曰卿等所引皆古義近者耆舊內臣亦
來勸導與卿奏同朕不敢專上請 皇太后太后曰但欲宗
社又安天下太平人心如此政當順之朕不敢違禮部其具
儀擇日以聞始署議時諸臣盡唯 惟王直與刑科都給事
中林聰囁嚅然竟不敢言
置東宮官屬寧陽侯陳懋武清侯石亨少傅禮部尚書胡濙
少傅吏部尚書王直俱兼太子太師安遠侯柳溥少保戶部

尚書兼文淵閣大學士陳循少保工部尚書兼東閣大學士
高穀少保兵部尚書于謙俱兼太子太傅都督僉事張軌吏
部尚書何文淵戶部尚書金濂南京禮部尚書儀銘刑部尚
尚俞士悅工部尚書兼大理寺卿石璞左都御史陳鎰王翺
俱太子太保吏部左侍郎江淵禮部左侍郎王一寧戶部右
侍郎蕭鎡俱太子少師仍兼學士吏部左侍郎俞山為太子
少傅兵部左侍郎俞綱為太子少保翰林學士商輅為兵部
左侍郎兼左春坊大學士仍舊任戶部左侍郎劉中敷兼太
子賓客太常寺少卿習嘉言為詹事吏部右侍郎項文曜禮




部右侍郎薩琦俱兼少詹事禮部右侍郎鄒幹兼左庶子翰
林侍讀彭時侍講劉儼為左右春坊大學士周旋趙恢為左
右庶子脩撰林文侍講徐瑄為左右諭德脩撰李紹侍講劉
定之為司經局洗馬侍講楊鼎倪謙呂原脩撰柯潛為左右
中允俱兼舊秩都給事中李佩監察御史魏齡為詹事府丞
編脩周洪謨劉俊岳正檢討錢溥為左右贊善編脩萬安李
泰都給事中林聰典簿周循俱為司直郎侍書陳穀徐泌監
丞鮑相縣丞高誠俱為清紀郎檢討曾暹傅宗五經博士陸
藝典籍李鑑俱兼司諫編修王與兼司經局校書中書舍人

劉鉞趙昂兼正字教諭李瓊為檢書待詔趙政為詹事府主
簿教諭劉潔為錄事序班楊欽王政周寧傅榮為通事舍人
丁亥宮孤俱兼二俸王直等疏辭不允

戊子通政使李錫大理寺卿蕭楨左副都御史羅通俱為
太子少保

仍設兩京飯堂

都督同知王通卒通威寧人父真從靖難歷都指揮使戰死
淝河永樂初贈金鄉侯加贈寧國公封通武義伯祿千二百
石七年治方中進封成山侯予世秩宣德初拜征夷將軍鎮



交趾黎利反不能守下獄削籍正統己巳起都督僉事尋進

同知卒子琮授景陵衛指揮僉事

夜金星犯井

庚寅脩孝陵

冠廣寧義州

壬辰裁永寧鎮寧州同知判官

五月癸巳朔瓜哇國王巴刺武入貢

設宣府諸處養濟院

是日陳東宮儀仗奉天門有男子持赤挺直入擊香亭奮呼

曰先打東方甲乙木內使縛之下錦衣獄瘦死

甲午立見濟為皇太子廢 皇后汪氏立見濟母妃杭氏為

皇后詔曰天祐下民作之君寶遺安于四海父有天下傳之

子斯本固于萬年朕之長子序在倫先宜正東宮事方聞于

聖母遽見允于輿情復以 皇后之謙冲固遜軒龍于有子

再三陳懇理順名端肆循慈訓之諄兼遂賢情之切冊朕長

子見濟為皇太子其母杭氏為皇后大本既正彝倫亦明親


親之誼尤所當敦 太上皇帝長子見深更封沂王次子見

清榮王見淳許王同屏國家衛安宗社爰推恩于遠邇庸資

國權

景泰三年


古



弼于臣民所有合行事宜條列于後云、嗚呼綱常正而家
道雍式弘敦于化本儲副專而國統續庶永固于基圖

田汝成曰至今人言易儲事謂肅愍卷舌而不諫殆有罪
焉而其子孫作家狀亦云 景皇帝大漸時肅愍草疏請
復辟欲上而不果是殆為祖父文過語正不當爾也肅愍
豈其情耶所見或有一道耳第陳循曰夷酋之議而承以
為功肅愍不為開陳大體何也其後鍾御史同章儀制綸
廖少卿莊相繼請復儲被杖瀕死珙之遺禍可勝誅哉
王世貞曰易儲之際人不攻而以訖于王二公甚亡謂也

予公所職者兵事而已居密勿主此事者陳芳洲輩也執
筆首此議者胡忠安也為六卿首者王文端也芳洲輩初
與高文義賜百金江淵王一寧蕭鎡商輅半之事定各復
賜黃金五十文端忠安俱加太子太師而于公不過太子
太傅王毅愍以正月與興濟楊善加太子太保至增置宮
臣之際蓋王不與陞而于不與賞也大槩略可推矣詔諸
公二俸俱支而于獨再辭不允今柰何以易儲議之
崔銑曰銑聞之東白先生張公曰 景帝將廢儲而立其
子令百官各署狀唯給事中東安李侃執筆大慟給事中



林聰退而語人曰惟吾抗議 景帝聞之改林為太子司直郎林欣然自負高選至今諸文集謂林為忠蓋林後尊顯諛言相傳耳張公又曰使李公推痛心于狀豈不毅然大丈夫哉是時諫者三人鍾同死于獄章綸廖莊晚雖貴咸黷貨敗節也

陳懿典曰易儲之說禍起黃珌彼小人犯大慙計畫無復之為此萬一不克耳而中朝遂無一人言之世傳李侃林聰朱英極知不可王直署名有難色陳循曲跪奉筆卒皆署名世乃獨以此罪于謙何耶豈以當時親信無過謙者

倘謙出一言尚可止謙豈畏怯不敢言者則本兵職端

事

軍旅宗伯內閣輔臣九卿俱無言故默從衆耶而不知

諸

世固責備賢者獨深也讀文武列名疏及後受恩賞石

亨張輓徐瑄皆在其中故他日不以易儲為罪而以迎立

外藩文致之可觀矣


設遷曰黃珌脫死妄議易儲然 景帝在位久諸壬人必

倡是說以媚之如徐正請扁鴈南城猶珌也嗟乎委

其心

愛子于他人寄空名于大寶自非堯舜儔為安之亦不足

為 景帝病第棣夢中捐有同紛臂何論沂郟哉當時諸



大臣亟于順旨倘致啟上皇方在幽抑何求而不得自
降詔遜儲尤曲全景帝之私而陳循胡濙輩逢惡之甚
惜不知出此也

夜大星赤光自文昌流游氣

乙未大賚文武官吏諸生軍匠等

丙申令百官朔望朝東宮

南海縣丞周亶為順德知縣

沙灣暫塞初河決沙灣徑趨海侍郎王永和往治勿效工部

尚書石璞復屬治河決如故于是命內臣黎賢阮洛御史彭

誼往協乃築石隄禦決口穿二月河引水益運決勢漸微始
克築塞之

丁酉大理寺卿蔡錫降湖廣布政司左叅政

署都指揮僉事韓智為都指揮僉事鎮守天壽山


朱儀嗣成國公朱勇之子

戊戌沈煜嗣修武伯沈榮之子

命巡檢擒盜如舊額始陞

庚子開封南陽汝寧流民復業免徭賦五年都指揮陳紀叅

議豐慶僉事劉懷分理



四川左布政使張惠為南京禮部尚書

鈔法壅申明錢法

戊申少保兼太子太傅兵部尚書于謙上古陣圖命行習之

己酉夜大星赤光自滕蛇流天大將軍二小星隨之

庚戌復劉聚都督僉事府帶俸

辛亥琉球入貢

壬子勅董卜韓胡宣慰司都指揮克羅俄監察所侵舊維州
仍還保縣

夜金星犯鬼宿

甲寅邢寬服滿補南京翰林院侍講進侍讀學士

裁武學

丙辰進鎮南王徽煥為岷王封豪璣益陽王

鎮守山東左副都御史洪英王暹並進右都御史

進士李秉彝為吏科給事中

鎮守涿州等處都督指揮陳旺為署都督僉事仍鎮守


丁巳金星晝見 是月置浙江宣平雲和景寧泰順四縣

己未山西行都司都指揮使孔旺失印下獄

六月壬戌朔木星晝見

國權 景泰三年

十八



甲子作隆福寺太監尚義陳祥陳謹工部左侍郎趙榮董之

丙寅補築大同邊堡

庚午永和知縣胡貞為應州知州

戶科給事中白瑩言三事減官員以省糧儲折桑絹以甦民困申舊典以優官負從之

壬申初木邦宣慰使罕蓋法乞麓川闌景綫之地未報而罕東兵輒據之以聞總兵官沐璘等諭以威德割麓川之底麻予木邦餘歸麓川

乙亥故事巡撫歲八月入議至是俱留特以其事聞

工部郎中黎叔林為右侍郎仍理軍器廠

丁丑安南入貢

洛川知縣張軾為綏德知州

復賑隆慶州飢民歷城長清等縣蝗命瘞之


已卯勅萬州土判官王琥專撫村洞黎人

除洛陽縣荒租

庚辰許安南使臣入太學

宜川主簿張繹為知縣

辛巳吏部稽勲郎中陳鈺刑部郎中陳金頒詔朝鮮行人司



正李寬行人郭仲南頒詔安南

免武原等縣災租

禁福建沿海販琉球招寇

賑獨石馬營官軍

癸未鎮守浙江兵部右侍郎孫原貞為尚書

勅官吏故勘平人致死俱論死給事中于泰言其非故殺遂得貸監察御史左鼎言官吏受賄深文與故殺何異先朝恩宥皆不及此 上從之

乙酉昏刻金星犯靈臺

戊子申明鹽禁 夜金星犯太微垣上将星

已丑太常寺卿蔣守約為禮部尚書南京太常寺卿章文為

南京禮部尚書俱仍署寺事

賑淮安水災

庚寅錦衣衛千戶謝廷循府軍衛千戶殷善俱為指揮僉事

仍恭倖俱盡工

雷震大內中門昏刻金星入太微垣右掖門


是月大雨決旬河復決沙灣白馬頭七十餘丈命巡撫山東

右都御史洪英理之弗效

國權

景泰三年

辛




鎮守鴈門關兼巡撫山西右副都御史朱鑑貽陳循書曰近
奉明旨更封為沂王僕竊遠聞心殊未安夫前者至尊蒙塵
宗社安危非得長君人心未定姬周輔成不得已也今車駕
既回歷數有在委裘而治亦無不可太子仁孝天下所共知
在廷文武群臣共立不能夾輔烏可易置僕復有言 陛下
于 太上皇論骨肉則當避位以全手足之誼論尊卑則當
固讓以盡君臣之義此大體也柰何藉口防微反為幽閉珍
羞節其日膳雉堞增于宮墻是可忍也孰不可忍也循省書
怒甚

何喬遠曰鑑上循書足振朝議之靡不見傳說而疏名賞
金者獨著於世予得不為之扼腕耶

七月壬辰朔禮科給事中潘本愚行人邊永祭故占城國王摩訶貴來并封摩訶貴由為占城國王
罷兩淮長蘆巡鹽御史令撫按兼之
祭已禁有司造軍器貸民車船輸運

甲午巡撫四川左僉都御史李匡被劾召還

乙未署都督僉事陳友鎮友守鴈門關都指揮王淳鎮守涿
州署都督僉事陳旺都指揮使翁信為都督僉事副總兵代



廣西都督武毅廣東都督董興太子太保兼左都御史王翱
總督兩廣軍務

丙申命京官俸鈔俱給銀鈔五百貫給一金

丁酉命各處庫收置籍如官去驗代

戊戌咸寧長女二縣南山曠遠置鎮安縣

夜大星青白色自閣道流螭蛇

己亥國子祭酒劉鉉請任子年稍長赴監肄業十五以下遣


回從之

許萊州米麥折布

庚子巡撫四川右僉都御史李廷言董卜韓明宣慰使還所
侵雜谷安撫使及達思蠻長官司之地尚據舊維州貺臣銀
罌金珀求御製大誥周易詩書小學方輿勝覽成都記昔唐
吐蕃求毛詩春秋于休烈恐其愈生狡詐裴光庭謂忠信禮
義皆從書出玄宗從之今董卜韓明所求與之便惟方輿勝
覽成都記不可許上從之

卜入遼東小團山署都指揮僉事任義以防守不嚴特戍于
邊

太子少師禮部左侍郎兼翰林學士王一寧卒一寧仙居人



幼善詩 仁宗東宮時召賦銀河詩入太學永樂戊戌進士
授吏部稽勲主司直文華殿改脩撰進侍講正統戊辰遷禮
部右侍郎景泰初督餉湖廣進左侍郎兼學士直內閣惟敏
捷詞翰清俊而不慎名檢賜祭塋贈太子太保禮部尚書謚
文通

廖道南曰古之豪傑之起也固不拘其類後世則不然乃
若王任王叔文李訓鄭注之儔或以他技進卒敗其身而
動搖宗社故曰君子未嘗不欲仕也又惡不由其道王君
始由狎客射策甲科終由佞倖司綸秘閣君子奚取焉亦

以寓勸戒焉耳

昏刻金星犯太微垣左執法月犯南斗杓

甲辰召顏孟二氏嫡裔顏希惠孟希文入京

搖賊入高州

戊申哈密貢玉石三萬三千五百餘斤每斤絹一匹行都司

都督任禮言宜少抑其貪禮部請邊關卻其疵碎者從之

停開封及胙城新平西平料辦


已酉松潘雪兒卜寨賊卓勞等平

乙卯致仕禮部左侍郎楊翥為尚書仍致仕給俸

國權

景泰三年

三



中書舍人柰鑽以兄員調邊衛經歷

夜大星青白光自羽林軍流近濁

丙辰少保兼太子太傅戶部尚書文淵閣大學士陳循等言

九事曰誥勅止于見任曰中外官相兼陞用曰船鈔不分新

舊曰禁偽銀成邊曰河船帶磚納通州令多納銀三錢乞寘

于法曰擇武職專總操江曰郡縣官加銜布政司體統不便

曰考察宜如永樂間遣京考及給事中分覈曰戶部以贖鍰

積穀備荒曰清預備倉通額追補 上從之

朝鮮國王李珣卒遣內官金興金宥往祭謚恭順封世子弘

暉朝鮮國王

丁巳召分守十八盤迤北右叅將都指揮顏彪以紫荆關署

都指揮僉事戎亨分守

都指揮使郭震馮宗為中軍左軍都督同知

戊午令山西布按二司覈災民毋虛報

免肇慶災租五萬六千八百二十餘石

命法司錄囚


吉安早永新縣地陷約五畝

庚申前南京太常寺卿徐初卒初浙江會稽人永樂貢士維

國權

景泰三年

十四



縣教諭擢戶科給事中洪熙初言事進都給事中宣德間進
大理寺卿正統初調南京太常致仕孝友寬平臨事侃々不
少挫

八月辛酉朔都督同知衛穎范廣領左右哨俱充右副總兵

廣東都指揮僉事胡英等擊廣州等賊斬千一百餘級俘渠

帥四十七人

甲子清河訓導唐學成言河決沙灣臨清苦涸實由臨清至

沙灣十二閘勢甚陡其地卑築隄薄故河決若建瓴而注也

宜開河外另穿月河其本河令深廣直抵沙灣命山東巡撫

及巡河御史等官相度

火星晝見

城鳳陽中都留守司指揮穆盛董之

乙丑夜大星赤光自九旂流至濁

兗州大雨水議賑恤

戊辰命右都御史洪英兵部尚書孫原貞刑部尚書薛希璉

兵部右侍郎李賢禮部右侍郎鄒幹左副都御史劉廣衡及


巡撫右都御史王暹兵部左侍郎揭稽戶部右侍郎李敏刑

部右侍郎耿九疇李棠右僉都御史祝暹王竑鄒來學韓雍

國權

景泰三年

五



大理寺右少卿陳詢分行天下考察官吏

庚午卜入開原明日守備左叅將胡原追斬十八級

壬申進士孫珉陳嘉猷楊青劉昭李燁王智徐廷章等為給事中

丙子提督柴溝堡都督僉事李斌免以守備懷來都指揮王

林代之

丁丑監察御史真鍾嚴樞盛琦李鑑俱下考謫典史鑑乞調

授德陽知縣

免兩畿災民糧芻鹽鈔及所負軍需物料馬匹

定宣府大同中鹽例

陝西大雨水決延安綏德

夜大星赤光自紫微西藩流北斗魁二小星隨之

戊寅秦王府火

辛巳永平大雨水淹禾賑之

甲申夜月犯井宿


乙酉南畿河南山東患水多流民命隨時賑之

丙戌光祿寺少卿蔚能為寺卿

寧陽侯陳懋掌宗人府

國權 景泰三年

壬午



丁亥絳縣知縣劉智陽城知縣劉以文俱進俸正六品
委官巡視福建銀場

戊子真臘國入貢


九月庚寅朔兵部郎中王偉為右侍郎

免淮安夏麥九萬七千四百九十餘石

太子少師吏部左侍郎兼翰林院學士江淵丁母憂許奔喪
回任

南京錦衣衛鎮撫司軍匠餘丁華敏言臣竊見近來袁琦唐
受喜寧王振等專權誤國俱已敗露天下共知也臣草茅賤

陋初見內官苦害軍民事非端一恨朝臣緘口不勝痛哭如
內官收積家財金銀珠石動以萬計豈能天降地出非盜府
庫則浚民膏害一也侵牟公侯房室興造擾害二也其家
人義舅外親莫不輕肥縱橫恣睢凌擊甚至入貲求仕莫差
貴賤害三也蓋造佛寺用費不貲以一己之私破萬家之產
害四也廣置田租寄戶都縣繇賦丁力不應科征害五也家
人中益虛占益數轉販與人先得勘合信支巨萬壞國家權
法奪商賈之利害六也奏求塌房邀接客旅倚勢賒賣負賴
不還害七也賣放匠人為名伴當辦納月錢內官監局乏人



造作工役煩楚不堪害八也家人包攬各色物件官府畏懼
以一科十害九也董監工之役非法酷刑軍匠塗炭不勝嗟
怨害十也伏望 皇上鑑前車立後軌毋使蕭牆禍稔帟幄
奸生令曹節侯覽復見今日下禮部寢之
勅太子太保右都御史王文往南京山東河南賑濟通漕時
南京地震雷擊獸吻江淮至濟寧大水淹稼東昌至河南河
決勅王文巡視整理

癸巳漳州賊鄭孔日等通番署都指揮僉事王雄輕入被執
杖三十桎梏三日釋還云藉公一言祈朝廷矜宥

甲午夜大星青白色自四輔流紫微東藩

丙申令河南山東馬匹徵十之四餘俟明歲


會昌伯孫忠卒忠字王敬鄒平人貢太學洪武己卯任介休
主簿心恕法嚴吏民從化憂去復補武城民益愛之赴天壽
山陵工進鴻臚寺序班 宣宗初其女立右以中軍都督僉
事進封伯祿千石敦伯厚謙和雖居戚里爵齒之尊無矜色
嘗戒子孫曰成立之難如升天覆墜之易如燎毛爾曹當終
身誦之年八十五賜祭葬贈會昌謚康靖天順初加贈安侯

國公更謚恭憲

國權

景泰三年

三



何喬遠曰孫忠自其為主簿仁能著于民矣晚節德厚自
將可外戚目之哉

詹事習嘉言卒嘉言新喻人進士選庶吉士授編脩進脩撰
侍讀薦陞太常少卿言事見採君官勤慎詩文雅澁為時所
尚賜祭葬

丁酉禮部右侍郎兼少詹事薩琦掌詹事府

陝西道御史劉琚等言近者災異見示非常臣等切惟文武
群臣德行才猷靡所表見而師保兼官祿俸加倍侈必費財
費必傷民近者戶部奏今年京師支放會稽米銀動以千萬

府庫將空欲將被災田地覆勘追徵與其剝疲民之財孰若
省重支之俸伏望聽群臣扼掄辭讓亦消弭一端分閔支兩
俸者暫停其一年豐仍舊

通政司右通政湯鼎卒

夜大星青白光自大陵流天園


戊戌提督軍務右僉都御史鄒來學脩密雲各處城堡斥堠
庚子進士鄭宏陶復李堅秦紘鄧明陳敬周瑚趙瑛等為監
察御史

壬寅國子助教劉翔請帝孔子增八佾禮部議格之

國權

景泰三年

无



賑兗州飢

建州衛女直指揮僉事都里克等二十九人來歸命隸海州衛如舊秩

癸卯罷河南山東災民一切之急之務及歲辦物料

復松江通判華亭縣丞主簿上海縣丞

甲辰南京提督倉場右副都御史軒輅兼督南京各衛屯種巡撫蘇松等處戶部右侍郎李敏兼督蘇州各衛屯種

禁内外文武官軍私出入

丙午免壺關縣田租二千四百石

庚戌勅總督漕運巡撫楊廬淮安徐和右僉都御史王竑兼

巡撫鳳陽滁州仍理兩淮鹽課

庶吉士吳滙周興戚瀾王獻劉宣童緣為編修業張汪朝宗為檢討

開原屬夷來歸百四餘戶提督軍務左副都御史寇深議徙內地凡來歸者皆如之兵部恐沮來意下深等酌定

辛亥河南布政司右叅政宋瑛為太僕寺卿瑞州知府夏景


為少卿

免龍開門平衛屯租之半初霜災

國權

景泰三年

三十



賑東昌所過流民

福餘衛指揮同知可台報也先召三衛頭目命邊將備之

壬子湖廣按察僉事黃潤玉不諳刑名謫舍山知縣

定富人輸粟給冠帶例北京山東山西例八百石浙江江西

福建南京例千二百石蘇常松江嘉湖例千五百石如穀麥

每石准米四斗

癸丑琉球入貢

夜大星青白色自昴流畢月犯鬼宿

乙卯令巡河御史鄧遠兼理鹽法淮安知府邱陵乞裁之

夜大星青白光自輦道流天市垣

丙辰勅福建都指揮僉事王雄招撫海寇

巡撫江西右僉都御史韓雍奏各郡支預備倉米二十三萬

五千六百六石八斗六升勸借穀三萬四千九百六十石六

斗賑民十五萬四千七百十九戶大小三十五萬六千六百

八十八口

福建右布政使陳員韜卒韜寧海人宣德庚戌進士自知縣


拜御史有治才歷任稱便

丁巳湖廣布政司右叅政王縉調河南

國權

景泰三年

三十一



戊午故朔州判官王秉嘗擊下高家庄擒一人斬二級陣沒
子勳求入國子監許之

已未兵部郎中蔣琳為右通政清黃
前戶部左侍郎劉璉卒璉江南崑山人永樂進士授御史進
山東右叅政督儲宣府洪熙初叅贊軍務守邊凡三十年歷
戶部左右侍郎正統初入璉能持重少失亡終不冒賞
致仕歸卒通州貧無以返塋山西叅議葉盛上其功賜祭葬
而國史謂璉貪墨有玷名爵何也


劉鳳曰士設說就功何易也使乘一障能令下無入乎璉

在己巳與郭登守宣府為城下盟計欲詭奪下雖不克然
使知有倫不敢犯又數偵下虛寔竟使款塞和未必不能
逆策其然也功皆抑不聞至沒而不能返其邱墓身久為
將故猶寔甚何論請美田宅多從賓客車乘哉且戒妄殺
不敢邀功畏謹矣或責之死封疆之義不能出驍銳塵土
本下濟師事誠有之則所傳聞異詞未可蔽其罰一人也

閏九月壬戌戶部上節用事宜從之

蠲淮安鳳陽大水田租

癸亥翰林院侍講兼左春坊左中允呂原俛謙為侍講學士



仍兼中允

昏刺月犯天罡星

甲子禁擅調屯軍

夜三大星皆青白色一自婁流壁一自天囷流近濁二小星隨之一自天槍流至濁三小星隨之

丙寅亦力犯里國入貢初不從也先犯邊遂授使臣捨哈三等副千戶

禁李寶奉使錄巡按四川監察御史黃溥訐之

丁卯戶科右給事中路壁言往者省覲官之罪令運米大同

此權計也明年又入覲慮墨吏重斂乞都察院預禁從之

戊辰泉漳延平邵武復盜起勅責鎮守巡按官

辛未命有司考課載水利

癸酉免宣府屯租三之一

乙亥監察御史王珉巡河微服外淫又勒賄特戍開平衛夜大星青白色自北河流軒轅二小星隨之

丙子監察御史項聰楊宜李玘秦顯郎滕陳瑀顧曜清軍山


西廣東浙江陝西直隸河南山東

丁丑給宣府牛種

國權

景泰三年

三



庚辰刑部郎中陸瑜為山東右布政使

山西布政司右叅政林厚奉詔臺訊厚疏歷詆左副都御史年富凌暴不法都察院請按之上曰此必厚怨富而誣之

朕邊事任富詎一人毀遽辱之耶

壬午封美壤寧化王鍾鏞臨泉王夜大星青白色自內階流紫微西藩

癸未進士周監李鈞唐濬為給事中張昂為吏部主事

復開處州銀場從鎮守尚書從孫原貞之請

總督邊儲叅贊軍務右僉都御史李秉言北使三千餘人駝

馬等四萬餘匹草料不支于是命戶部右侍郎孟鑑兵部右

侍郎王偉選上馬赴京中馬給衛卒餘俟飼牧召商中淮鹽

納宣府芻豢

定軍職犯贓新例

丙戌以北使浩費停內外牲酒惟閣臣如故

戊子監察御史畢鸞朱英為山西廣東布政司右叅議

十月乙未貴州平越都勻普定畢節關餉召商中鹽四川納粟


四衛

太子少保左副都御史羅通請增迤北馬價格之以空其馬

國權

景泰三年

三十四



上謂俱下駟不許

丙申金華知府石瑁為福建右布政使

免龍門衛屯租開平衛十之八

戊戌右都督方瑛鎮守貴州都督同知陳友鎮守湖廣召右

都御史王來保定伯梁瑄還京

太子太保右都御史王文直文淵閣大理寺右少卿陳詢直

經筵

庚子都督同知李信鎮江浙都督僉事張真領都司事

辛丑召巡撫山西右副都御史朱鑑回京以右僉都御史蕭

啟巡撫山西

夜土星犯亢

壬寅太監阮簡刑部尚書俞士悅同兵部尚書于謙閱各營

軍士

癸卯起復戶部右侍郎張睿

禮部右侍郎鄒幹考察山西言鎮守撫按舉保之弊請專歸

吏部從之

太子太保刑部尚書俞士悅言營軍奸計百出乞御史四人

密察兵部司官八人分點立報從之夜月犯井宿

國權

景泰三年

三五

